

15. august 2025

UKA 2025/58

Inatsisartut suleriaasianni § 33 naapertorlugu aalajangiiffigisassatut siunnersuut imaattoq saqqummiuppara:

Kalaallit Nunaanni piffissap suliffiusartup sapaatip akunneranut nalunaaquttap akunnerinit 40-nit sapaatip akunneranut nalunaaquttap akunnerinit 35-inut 37-inulluunniit appartinneqarnerata aningaasaqarnikkut, inuiaqatigiinnut peqqissutsimullu kingunerisassaanik misissueqqullugit Naalakkersuisut peqqunneqarnissaannik Inatsisartut aalajangiiffigisassaattut siunnersuut. Misissuinerup inerneru 1. januar 2027-iutinnagu Inatsisartunut agguanneqassaaq.

(Inatsisartunut ilaasortaq Karen Marie Kyed Frederiksen, Demokraatit)

Tungavilersuut

Maani nunatsinni sapaatip akunneranut suliffigisartagarput tiiminik 40-nik sivilissuseqarpoq, Danmarkimi 37 tiiminik sivilissuseqarluni. Demokraatini isumaqarpugut, piffissanngortoq, maani nunatsinni tiimit suliffiusut appartinnissaat. Kissaatigaarput, maani nunatsinni sapaatip akunneranut suliffiusoq nalinginnaasoq siunissami 35 imaluunniit 37 tiiminik sivilissuseqassasoq.

Siunnersuteqarnermi pingaarnertut siunertarineqarpoq innuttaasunut peqqinnarnerusumik attanneqarsinnaasumillu tungaviliinissamik pilersitsinissaaq. Suliffiup appartinneqarnerani neriuutigigatsigu inuunerinnerulernissaaq, sulinermi nuannaarnerulernissaaq minnerunngitsumillu work life balance pitsanngorsarnissaa meeqqat ilaqtallu piffissaqarfigalugit.

Uagutsinnulli soorunami pingaartuuvoq, isummernerup taamaattup sunniutaasa sukumiisumik misissorneqaqqaarnissaat.

Tassunga atatillugu pingaaruteqartorujussuuvoq, misissuineq piffissami sivikittuinnarmi aammalu piffissami sivilissumi kingunerisinnaasaanik misissuisoqarnissaa sapaatip akunneranut sulinerup sivilissusaata appartinneratigut. Tassunga atatillugu pingaaruteqarpoq erseqqissassallugu, sulinerup sivilissusaata appartinneqarnera akissarsiat apparnerannik malitseqassanngitsoq. Misissuisitsineq taassuminnga tungaveqarluni minnerpaamik makku ersersittariaqarpai:

1. Piffissap suliffiusup appartinneratigut sulisut timikkut tarnikkullu peqqissusaat qanoq sunnissavaat? Taassuma kingunerissavaa amerlassutsinik katersineq soorlu napparsimaneq peqqutigalugu sulinngitsoonerit aammalu pitsaassutimit katersat, sulisut piffissap suliffiusup appartinneqarneranik misigisaannik iluarisimaarinninnerinillu misissuinerit. Tassani soorlu assersuutigalugu tulluartsuusooq misillitkat inunnik, namminneq toqqakkaminnik piffissap ilaannaa sulisartuninngaanneersut ilanngutissallugit. Taamatuttaaq pingaartuuvoq, piffissaaq ungasinnerusoq eqqarsaatigalugu inuiaqatigiinnut kingunissaasa ilanngunniisaat soorlu assersuutigalugu naammassiortuinerup annertusisimanera,



napparsimaneq pissutigalugu sulinngitsoortarnerup apparnera allallu.

2. Misissuinerup imarissavaa inuiaqatigiit aningaasarsiorneranut piffissami sivikitsumi kingunerisinnaasaasa misissornissaat tassani ilanngunneqassalluni piffissap suliffiusup appartinera suliffissanik neqerooruteqarnermut sulisussarsiornermullu qanoq kinguneqassanersoq. Tassunga sanilliunneqassaaq piffissamut ungasinnerusumut inuiaqatigiinni aningaasatigut kingunerisinnaasai soorlu napparsimaneq pissutigalugu sulinngitsoortarnerit, naammassiortuineq, sulinermik nuannarisaqarneq inuunerissaarnerlu.

3. Misissuinerup aallaavigissavaa Kalaallit Nunaanni kulturikkut inuuniarnikkullu atukkat, piffissap suliffiusup appartinneratigut atuutilersitsinissamut kinguneranullu sunniutaasinnaasut.

4. Misissuinerup nunanit allanit misilittakkat suussusersisinnavai ersarissunillu innersuussissallutik, qanoq uagut nunatsinni sapaatip akunneranut sulinerup sivikillineqarnera atuutilersissinnaaneripput. Taassuma aamma kingunerissavaa unamminarsinnaasut (ajoqutaasinnaasut) nalilersornissaat aammalu taakku qanoq qaangerneqarsinnaanersut.

Pingaaruteqarluinnassaaq nunanit allanit misilittakkat akuutinneqarnissaat. Uani Islandimi Damarkimilu misilittagarineqalersimasut tikkuarusuppakka.

Islandimi suliffeqarfinni arlalinni misiliutaasumik sapaatip akunneranut suliffiusoq 35 tiiminik sivilissusilik ingerlanneqarsimavoq. Ersersimavoq, pinngorartitsineq attatiinnarneqarsinnaasimasoq imaluunniit pinngorartitsinerulertoqarsimasoq suliffeqarfiit amerlanerpaartaanni, misiliummi peqataasimasuni¹.

Damarkimi suliffeqarfik misiliummik ingerlatsisimavoq, suliffeqarfiup Sunset Boulevard sulisui qullersaqarfimmi sapaatip akunneranut ulluni sisamani sulisarlutik (sapaatip akunneranut 32 tiimit). Tassani paasineqarpoq, sulisut 85 procentii suliaminnut angerlarsimaffimminnullu nukissaqarnerulersimasut. Inernerusut kinguneraat, aaqqissuussap atajuartussanngortinneqarsimanerani².

Demokraatit isumaqarput, piffissap suliffiusup appartinneqarnera sulisunik nuannaarnerusunik sulilluarnerusunillu kinguneqassasoq. Taamatuttaarlu isumaqarpugut, piffissap suliffiusup appartinneqarnerata malitsigissagaa napparsimaneq pissutigalugu sulinngitsoortarnerit ikinnerulernerannik aammalu ersarissumik suniutigissagaa, inuit qassit, uippakajaarnermik eqqugaasarnarat.

Tamanna tunngavigalugu neriuppugut, Naalakkersuisut aamma Inatsisartuni partiit allat misissuinissamik siunnersuutigineqartoq taparserumaaraat.

Pisortanut aningaasatigut allaffissornikkullu kingunerisassai

¹ "Island har kæmpe succes med fire dages arbejdsuger" - <https://knr.gl/da/nyheder/island-har-k%C3%A6mpe-succes-med-fire-dages-arbejdsuger>

² "Sunset Boulevard indfører arbejdsuge på 4 dage" - <https://finans.dk/erhverv/ECE14143203/sunset-boulevard-indfoerer-arbejdsuge-paa-4-dage/>



Misissuinerup suliarineranut atasumik aningaasartuuteqassaaq. Taakkuli atorfilittap ukiumut sulinerminut akissarsiai 500.000 koruunit qaangernissaat naatsorsuutigineqanngilaq.

Namminersortunut aningaasatigut allaffissornikkullu kingunerisassai

Misissuinertavianut atatillugu soqanngilaq.

Innuttaasunut aningaasatigut allaffissornikkullu kingunerisassai

Misissuinertavianut atatillugu soqanngilaq.